



Broj: 04-40-1-324/25
Sarajevo, 21.11.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 20.11.2025. do 08:30 sati 21.11.2025. godine

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a, dana 20.11.2025. godine u 16:10 sati, od građanina, da je u ulici Sedrenik br. 185 (Općina Stari Grad) pronađen jedan nepoznati NUS.

Informacija je prenesena Timu za UES Federalne uprave civilne zaštite, koji će pronađeno ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su osam intervencija. Tri intervencije se odnose na obezbjeđivanje tankovanja goriva na Međunarodnom aerodromu „Sarajevo“, dvije na obezbjeđivanje javnih događaja, jedna na gašenje zapaljenog stabla, jedna na pojavu dima u zajedničkim prostorijama stambenog objekta (stubišta) i jedna na gašenje zapaljenog otpada u kontejneru.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 20.11.2025. godine, utvrdili su slijedeće stanje:

1. Curine njive (Opština Istočni Stari Grad / Općina Stari Grad Sarajevo – Bostarići)

Uočene su geološke promjene, uključujući formiranje pukotina uslijed atmosferskih uticaja i pucanja tla (na dijelu „Curine njive ispod igrališta“ – dio šumskog zemljišta). Prilikom vizualnog pregleda ustanovljeno je da je i dalje vidljiv dotok vode iz pravca deponije, te da je tlo i dalje nešto više zasićeno

vlagom u donjem dijelu ispod samog igrališta. Evidentna je erozija tla, a kompletno tlo klizišta je zasićeno vlagom. Na dijelu iznad rasadnika, odnosno na dijelu gdje se završava drenažni kanal, vidljivo je da je voda ispunila pojedine pukotine. Uslijed prestanka padavina primjetno je smanjenje dotoka vode prema zoni klizišta.

I dalje je na snazi pripravnost DVD Vratnik, Savjet mjesne zajednice Širokača i Klico trans d.o.o.

2. Knjeginjac (Opština Istočni Stari Grad)

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i utjecaj atmosferskih faktora.

Na lokalitetu deponije zabilježeno je prisustvo vlage na čitavoj površini tla, što ukazuje na zadržavanje površinskih voda. Uočena je izražena erozija tla, posebno na gornjem dijelu deponije, gdje dolazi do sapiranja materijala prema nižim zonama. U donjem dijelu evidentna je prisutnost vode, što dodatno povećava vlažnost i može doprinijeti destabilizaciji terena. Uslijed prestanka padavina došlo je do smanjenja protoka vode u pravcu klizišta.

Na donjem dijelu deponijskog materijala, stručni tim Instituta za geotehniku i geološko inženjerstvo sa Građevinskog fakulteta u Sarajevu proveo je geotehnička istraživanja tla, uključujući izradu geoloških bušotina, i prikupio podatke potrebne za procjenu svojstava tla i izradio projekt sanacije aktivnog klizišta.

Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac / Opština Istočni Stari Grad)

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka. Prilikom obilaska lokaliteta potoka nije uočen zastoj u protoku vode. Tok je slobodan i funkcionalan. Na dijelu iznad mosta i dalje su prisutna urušena stabla i stijene u koritu, koje djelimično otežavaju protok i mogu uzrokovati lokalna usporavanja vode, pa se preporučuje njihovo uklanjanje radi održavanja stabilnog protoka i sprečavanja mogućeg zadržavanja ili izlivanja vode.

4. Evakuacija stanovništva s ugroženih područja

Na osnovu **Naredbi Štaba civilne zaštite Kantona Sarajevo** (br.08-40-1128-2/24 od 01.11.2024.godine i br.08-40-1128-2.1/24 od 20.11.2024.godine), kao i **Planova evakuacije Općine Stari Grad Sarajevo**, Služba civilne zaštite redovno obilazi naselja **Bostarići, Ablakovina i Ablakovina čikma**. U toku su **procjene rizika** i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 8°C, vlažnost zraka 100%, barometarski pritisak 931,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Stari Grad – Careva ćuprija, zbog sanacionih radova na mostu, saobraćaj je privremeno obustavljen. Vozila se preusmjeravaju na alternativne pravce.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

**PO OVLAŠTENJU DIREKTORA
ŠEF CENTRA**

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a